

東

華

錄

東華錄

順治二十一

臣王先謙敬編

臣周濟蕃恭校

秋七月乙未敘恢復廣東功加廣東巡撫李棲鳳兵部右侍郎南
贛巡撫劉武元太子太保兵部尚書○丁酉左都御史屠賴等奏
臣等捧讀雨潦修省之諭仰見皇上洞悉百姓疾苦恤民之意
切矣憶太祖太宗時上天垂象甘霖屢沛者以皆合天道
而行也今上天仁愛微災示儆臣等謂宜集思廣益日與內外
大臣講究正道宏納讜言向來部院事務俱諸臣面奏近見本章
時有寺人接進臣子不得進見萬一漸爲成例則君臣之間恐
致疏遠矣今修造乾清宮設立司禮監等衙門二事雖屢經奉旨
臣等竊有管見蓋軍民飢苦尙未休息邊境盜賊大兵征勦尙未

掃除所需錢糧不貲京中給養官兵未有餘積去歲南方亢旱北地水湧今年六月大雨連綿房舍傾頽田禾淹沒民間疾苦昭然可見宜暫停乾清宮工以此項錢糧給養軍民俟盜息民安修造未晚至前代不似我朝左右有內大臣侍衛隨從內務有包衣大臣章京管理今奉上諭設立司禮監等衙門寺人與近臣兼用夫宮禁使令固不可無寺人但不必專立衙門名色止宜酌量與近臣兼用以供使令可也得旨此所奏是但朕因連日違和未得接見大臣必不沿爲成例乾清宮乃朕所居處工價物料俱經備辦擇吉興工已有前旨今總管內事乃勳舊大臣忠誠爲國朕自無慮萬一有如冷僧機其人者專權作弊何以防察因分設衙門使各司其事庶無專擅欺蒙之患衙門雖設悉屬滿洲近臣掌管事權不在寺人且所定職掌一切政事毫無干預與歷代迥不相

同著仍遵前旨行○戊戌和碩叔鄭親王傳集諸王貝勒貝子內

大臣固山額真內院大學士六部都察院堂官會議以今年雨澇

異常奏請暫停宮殿工程以錢糧賑濟軍民 上曰王等所奏甚

是宮殿以及各項工程俱令停止以休養軍民各處田地著速行

踏勘賑濟事宜勿得延緩自諸王以至各官凡祭祀飲食概宜從

儉朕亦自圖節省如有積穀富室願捐助者聽其捐助戶部登記

數目酌與獎勵卽一體通行傳諭○辛丑以宜永貴爲兵部右侍

郎兼右僉都御史巡撫南贛由倉場侍郎遷○壬寅給事中王禎奏邇者

霍雨爲災河水汎濫沿河一帶城郭廬舍漂沒殆盡直隸被水諸

處萬民流離扶老攜幼就食山東但逃人法嚴不敢收留流民嗟

號轉徙乞飭下該督撫行文各屬使流民各投供單書明籍貫家

口無隱匿逃人甘結該管官照單安置庶可救此數萬生靈下所

司速議○丙午諭內三院朕奉 聖母面諭予居深宮之中不聞外事近知雨潦爲災房舍傾頽田禾淹沒兵民困苦深可憫惻特發宮中節省銀八萬兩賑濟滿漢兵民朕仰承 慈旨命爾等傳諭戶工二部卽將發去銀兩查照被災輕重酌量散給仍設法稽察毋致侵冒蒙混務俾貧苦之人均霑實惠以昭 聖母德意○庚戌 皇第二子福全生○辛亥諭內三院朝廷設立言官原爲繩愆糾謬事關朕躬尙許直言無隱況諸司過失理當糾舉其言果當宜虛心靜聽卽言有未當止宜分晰事理聽候朕裁豈容遲私報復近見科臣言事該部回奏輒援引律文欲以箝制言官自匿己非若如此是使人不敢指摘任意所爲而上無由知殊負朕任人求治之心向來未經申飭不諳規矩姑不深究以後斷宜切戒言官論事亦須明白確指不得摭拾風影挾私妄訐著通行嚴

飭○調馬鳴佩爲總督倉場侍郎

由戶部調

○甲寅以范達禮爲戶部

侍郎

由副都御史遷

○乙卯戶部會同九卿議奏疏通錢法以役鑄錢務

照定式每文重一錢二分五釐精工鑄造背面鑄一釐兩字每千

文作銀一兩嚴飭內外上下畫一通行如有不遵者治以重罪其

見行舊錢原有高低厚薄不等難以強齊一切貿易似應暫從民

便至外省錢法應責成右布政使專督嚴查得旨聞向來官鑪夾

帶私鑄尤爲病國再犯者照枉法贓治罪其私鑄奸民不時嚴緝

若仍前違犯事發該地方官根究重處○丙辰以林天擎爲湖廣

布政使司參政管左布政使事

由江甯副使遷

曹國柄爲湖廣右布政使

由廣東按察使遷

○己未以張朝璘爲副都御史

由梅勒章京遷

○庚申諭內三

院廣東賊勢潰散地方漸平且去湖南遼遠應專任兩王及該督撫料理江西切近湖南一應用官調兵事宜時有關涉袁州吉安

一帶餘賊未靖應撫緝勦禦著經略輔臣洪承疇兼理敕印卽與換給○辛酉 上聞喀爾喀舉兵內向命安郡王岳樂爲宣威大將軍統兵戍歸化城

八月甲子朔喀爾喀額爾德尼哈談巴圖魯等來貢○丁丑先是睿王多爾袞專政潛有異志 上嘗幸睿王邸第隨駕內大臣及侍衛等不及二十人一等侍衛喀蘭圖聞之懼有叵測急歸家挾弓矢追從密爲防衛至是 上嘉其忠誠不怖死特賞十丁之莊一鞍馬全副銀五百兩升二等阿達哈哈番爲一等阿達哈哈番○贈殉難靖州知州沈一恒官廕○壬午以 太宗皇帝第十四女和碩公主下嫁平西王吳三桂子應熊○平南王尚可喜等奏官兵復化州及吳川縣○甲申更定武職品級省城掌印都司從二品參將正三品遊擊都司僉書省屯操都司行掌印都司行屯

操都司俱從三品守備正四品署守備從四品守禦所千總正五

品衛千總從五品○丙戌以雷興爲右副都御史巡撫河南

原任陝西

巡撫○丁亥大學士馮銓陳名夏成克鞏張端劉正宗奏今日禮部

諸臣至內院恭傳上諭察前代廢后事例具聞臣等不勝悚懼

竊惟皇后母儀天下關繫甚重前代如漢光武宋仁宗明宣宗

皆稱賢主俱以廢后一節終爲盛德之累望皇上深思詳慮慎

重舉動萬世瞻仰將在今日得旨據奏皇后母儀天下關繫至重

宜慎重舉動果如所言皇后壹儀攸繫正位匪輕故廢無能之人

爾等身爲大臣反於無益處具奏沽名甚屬不合著嚴飭行○己

丑諭禮部朕惟自古帝王必立后以資內助然皆慎重遴選始可

母儀天下今后乃睿主於朕幼冲時因親定婚未經選擇自冊立

之始卽與朕志意不協宮闈參商已歷三載事上御下淑善難期

不足仰承 宗廟之重謹於八月二十五日奏聞 皇太后降爲靜妃改居側宮○庚寅禮部尙書胡世安侍郎呂崇烈高珩奏夫婦乃王化之首自古帝王必慎始敬終今於本月二十六日忽奉上諭今后不能祇承 聖意降爲靜妃臣等思八年冊立之初恭告 天地 宗廟布告天下今二十五日奏聞 皇太后卽日降爲靜妃 聖諭中未言及與諸王大臣公議及告 天地 宗廟臣等職司典禮所奉敕諭若不傳宣恐中外未悉若遵奉傳宣恐中外疑揣伏願 皇上慎重詳審以全始終以篤恩禮下議政諸王貝勒及大臣內三院九卿詹事六科都給事中各掌道御史會議具奏○禮部儀制司員外郎孔允樾奏臣辦事署中偶聞廢后一事不覺悚然及見馮銓等奉 聖諭內有故廢無能之人一語更爲驚駭竊思天子一言一動萬世共仰況我 皇后正位

三年未聞顯有失德特以無能二字定廢嫡之案何以服 皇后之心且何以服天下後世之心臣考往古如漢之馬后唐之長孫后敦樸儉素皆能養和平之福至於呂后武后非不聰明穎利然傾危社稷均作亂階今 皇后不才能表著自是天姿篤厚亦何害乎爲中宮而迺議變易耶設 皇后必不諧 聖意亦可倣舊制選立東西二宮共襄內治若夫廢 后一節千古典禮所在一時風化攸關實有驚人耳目者且 皇上親政以來天下以爲堯舜復生今忽有非常之舉傳之聖子神孫豈開國之主所宜有耶臣思 皇上天下之父 皇后天下之母父有出母之議爲人子者卽心知母過尙不免涕泣以諫況絕不知母過之何事又安忍緘口嚴父之側而不爲母一請命乎臣忝承聖裔兼任職官安敢存畏斧鉞顧身家之心一念孤忠伏乞 聖鑒並下諸臣議○

辛卯廣西巡撫陳維新奏逆賊李定國自肇慶直犯平樂府府江

道周永緒平樂府知府尹明延平樂縣知縣涂起鵬富川縣知縣

華鍾俱遇害○贈故浙閩總督兵部右侍郎陳錦爲兵部尚書廕

一子入監讀書○以劉元爲河南按察使

由陝西河西道參政遷

董應魁爲

福建按察使

由山東驛傳道參政遷

○御史宗敦一潘朝選陳棐張椿杜果

聶玠張嘉李敬劉秉政陳自德祖永杰高爾位白尙祖建明奏臣

等捧讀降 母后爲靜妃之諭又見故廢無能之人之旨不勝驚

駭伏思宮闈之化莫盛於成周文王之妃太姒嗣徽太任止頌幽

閒貞靜之德而不及其才能誠以母儀萬國表正六宮非才能外

見之難而純德內蘊之爲難 皇后未聞失德忽爾見廢非所以

昭示風化也今 皇上復允禮臣之請敕諸王大臣會議在諸臣

必以綱常爲重而臣等猶有過慮者誠恐綸音一播不無爲 聖

德累伏乞收回成命以俟會議 宗廟社稷實式臨之 上以宗
敦一等明知有旨交議瀆奏沽名下所司議處

九月癸巳朔諸王貝勒及大臣內院九卿詹事科道等遵旨會議
禮部尚書胡世安等及儀制司員外郎孔允樾所奏實係典禮常
經 皇上冊立 皇后之詔祇告 天地 宗廟上 昭聖慈壽
恭簡皇太后徽號以昭慶典既已詔布天下禮難輕易伏乞 皇
上仍以 皇后正位中宮卽命禮臣考據典禮選立東西兩宮則
本支日茂 聖德益光可爲萬世法矣得旨朕納后以來緣志意
不協另居側宮已經三載從古廢后遺議後世朕所悉知但勢難
容忍故有此舉著議事諸王貝勒大臣及會議各官再議具奏漢
官諸臣規諫其意固在愛君然必須眞聞確見事果可行朕自聽
從若全無聞見以必不可從之事揣摩進奏欲朕必從冀免溺職

之咎非所以盡職也孔允樾奏內云未聞顯有失德不知母過何事等語如果知無過之處著指實具奏○丙申禮部儀制司員外郎孔允樾奏臣奉旨指實回奏切念小臣雖在輦轂之下一歲之中除郊祀朝見得以仰覩天顏餘亦無由覲聖況皇后居深宮之中其有過無過非惟人臣不及知亦人臣不敢知但臣守有祖訓惟知事君如事父痛念父母偶有不諧已屬人倫之變爲人子者若再順言母過以重父之怒此不待問而知爲逆子矣臣前奏一則曰未聞失德再則曰不知母過亦不過仰冀君父動悔悟之機開慈母一遷善之路以自附於幾諫之義而其實無有他慮也臣恐天下謂皇上容保萬邦而不能容一后後世責臣等義當匡贊而不能匡一母是以旣奉嚴綸之後冒死陳奏臣今日可以對皇上異日可以對臣祖要亦惟此一念耳今聖諭

內有云從古廢后遺議後世是 皇上曉然於古今之大倫又云
諸臣規諫意在愛君是 皇上又洞白諸臣之苦心 聖明在上
臣復何言惟有席藁待罪靜聽處分而已報聞○加致仕巡撫河
南兵部尚書吳景道一級廕一子入監讀書以其撫豫有年勞績
茂著也○丁酉叔和碩鄭親王濟爾哈朗等會議廢后事奏育所
奉 聖旨甚明臣等亦以爲是無庸更議得旨廢后之事朕非樂
爲但容忍已久實難終已故有此舉諸王大臣及會議各官既共
以爲是著遵前旨行○戊戌贈殉難巡按廣西御史王荃可官○
癸卯理藩院奏喀爾喀部土謝圖汗下索諾額爾德尼遣阿顏齊
等進駝馬至張家口外請旨定奪下議政王貝勒大臣議尋議前
有旨與喀爾喀若全歸我巴林之人遣爲首貝子謝罪來朝爾時
再爲酌定今應遣啟心郎碩格等往視若巴林之人果已全還爲

首貝子來朝則令彼進口否則逐之報可○乙巳授拜他喇布勒哈番張勇爲三等阿達哈哈番以其投誠兼著戰功也○丁未烏斯藏來貢○壬子命刑部復三覆奏例○丙辰耿繼茂喀喀木克潮州○丁巳逆渠孫守金僞宜川王朱敬鐸盤踞紫陽糾連川湖諸孽負固十年總督孟喬芳遣總兵官趙光瑞等討平之捷聞下部察敘

冬十月癸亥朔命田雄移駐定海○乙丑直隸山東河南總督馬光輝漕運總督沈文奎奏膠州逆鎮海時行叛亂臣等統兵渡黃河追至永城兩路夾擊俘斬甚多時行勢窮殺其黨渠李進文等率子弟及舊部赴軍前降下所司敘卹海時行等令議罪○丙寅遣固山額真濟席哈等率師剿山東土寇○辛未裁直隸大沽遊擊一歸併葛沽營改紫荊路隸眞定鎮裁畿南額兵千一百名白

石口兵五十名增紫荊關兵五十名裁山東沂州鎮遊擊二守備

一千把總六臨清城守營千把總三兵三百名壽張營兵三百名

○己卯諭內三院朕居深宮之中未嘗備悉民間疾苦聞爾來兵

民凍餒流離載道朕深疚心寢食不安今欲拯救兵民之疾苦必

何策而後可著議政諸王貝勒及大臣內三院九卿詹事六科都

給事中各掌道御史會同酌議具奏○兵部奏叛鎮海時行等稱

王僭號殺官屠城勢窮就撫應斬以徇從之○庚辰定遠大將軍

和碩敬謹親王尼堪靈樞回京命和碩親王以下二品官以上出

郭十里迎既至上欲親臨其喪諸王大臣以彼地出痘力諫乃

止○同安侯鄭芝龍奏前命招撫逆弟鴻逵逆子成功臣即遣人

貽書宣傳 聖意俱未受封 上以鄭成功妄行索地誇詐大言

其欲不可鑒足著議政王貝勒大臣確議以聞○壬午卹敘州重

慶陣亡將士有差○癸未致仕左都御史房可壯卒○甲申喀爾喀部土謝圖汗下索諾額爾德尼來貢○乙酉命設粥廠賑京師饑民○免直隸通密雲等七州縣水災額賦○丙戌先是叛民朱由極自稱爲故明泰昌第三子逆黨楊得先等推以爲主造僞札僞印煽惑鄉民妄授官職招集黨羽潛謀不軌至是爲宛平縣民甯忠弼等所首命王大臣等會鞫得實磔爲首者七人斬附從者二十二人○戊子先是各部奏事畢仍攜本章回部擬旨方送內院每致舛錯後於奏事時奉 御批卽發內院至是 上以章奏繁多若竟送內院又恐易滋弊竇命和碩鄭親王同諸大臣更議尋議於太和門內擇一便室大學士學士等官分班入直本章或上親批或於 上前面批若有應更改之事卽面奏更改庶幾無弊從之於是親定大學士學士名次爲二直更番在內辦事○

遣禮部右侍郎高珩諭祭明末殉難諸臣范景文等十六人各予諡范景文曰文忠倪元璐曰文貞李邦華曰文肅施邦耀曰文愍吳麟徵曰貞肅周鳳翔曰文介汪偉曰文毅吳甘來曰莊介王章曰節愍陳良謨曰恭潔劉理順曰文烈馬世奇曰文肅成德曰介愍鞏永固曰忠烈金鉉曰忠潔太監王承恩曰忠節○諭內大臣巴圖魯公鰲拜伯索尼曰覓刑部奏言緝拏逆賊夥黨並獲有未經薙髮優人王玉梁七十二人供稱身係戲子欲扮女妝以故未經薙髮如我等人各省俱有等語前曾頒旨不薙髮者斬何嘗有許優人畱髮之令嚴禁已久此輩尙違制畜髮殊爲可惡今刊示嚴諭內外一切人等如有託稱優人未經薙髮者著遵例速薙頒示十日後如有不薙髮之人在內送刑部審明正法在外該管各地方官奏明正法若知而不舉無論官民治以重罪其傳諭刑部

速行刊示○庚寅給事中魏裔介奏拯救兵民八事一發倉減價糶與八旗及京師窮民一流民所至地方官給印票准其入籍墾荒一流民既棄其鄉所遺戶丁差徭卽行豁免一各處給發軍餉取營兵實收結狀每季彙報以杜侵剋一各撫鎮死亡兵馬未支糧餉宜分賞見在軍士一查荒不許過一月其已蠲者有司造冊呈報使民霑實惠一存留錢糧如里馬鄉飲修署坊銀諸不急務清算節省以備賑貧一災傷地方禁屠戶乘賤宰殺耕牛下所司酌議

十一月丙申設遼陽府附郭遼陽縣改海州爲海城縣○以謝道

爲福建右布政使

由江南按察使遷

○戊戌敕諭靖海將軍海澄公鄭成

功曰朕臨御天下思與百姓休息底於太平有負固不服者則兵之其有輸誠國家矢忠宣力者爵賞曷有靳焉爾父鄭芝龍首先

投順忠誠可嘉特昇侯爵世世延賞復封爾爲海澄公泊爾叔等
一門盡被恩榮朕豈憚於用兵如此哉但以爲力服明威何如示
恩示信爾不卽祇承敕印仍遣李德等來爾父持爾書入告朕覽
書內有君擇臣臣亦擇君之語爾來投誠正是擇君朕破格委任
正是擇臣君臣一心至誠相待何有不信之處又云爾父爲貝勒
所紿屈抑數年爾父在睿王時果有猜疑看守之事朕親政以來
優厚大臣加升爾父官爵同國家勲舊諸臣恩禮罔間想爾亦悉
知之又云一攻一議二三其令因固山額真奉命在先劉清泰招
撫在後及爾差人一到卽令撤兵何嘗失信又云三府屯兵並轄
三省沿海地方原敕止有泉州等處並未有三府之說此傳言之
誤爾言一府未足屯兵未爲不是故益以三府又云島上諸紳籍
沒已盡府道縣視爲奇貨或亦有之諸人果非叛逆有司何得執

問但既係叛逆窮究黨與亦未爲過又云分爲五等上爵充總兵官尙在提督之下似爲有理故命爾挂靖海將軍印又云用人莫疑疑人莫用朕因不疑故授爾以封爵委以海上之事如有所疑豈肯加封委任又云父親致力於內兒盡力於外付託得人地方安靜此言殊爲合理朕再三宣諭不欲加兵爲地方頻年兵火之苦暨父子間隔之情爾卽多所詞說皆所不計復念爾兵卒眾多一府難以安插錢糧委難支給仍益以漳州潮州惠州三府並泉州四府駐紮卽將四府水陸寨遊營兵餉撥給爾部下弁兵不足不另補正課錢糧仍行解部管民文官俱聽部選爾原轄武官聽爾遴委仍將姓名職銜具奏造冊送部開洋船隻爾得稽察收納課稅送布政使司解部朕待爾推心置腹毫無猜疑爾受茲敕印速宜安插兵丁防勦海賊所轄將士嚴行約束勿擾百姓上以報

朕委任之意下以全爾等歸命之忠爾能積功累勞仍有懋官懋賞主臣相得垂諸史冊豈不休哉爾其欽承之○乙巳降河南巡撫王亮敕二級調外用以徇庇學臣黃日祚及違例收用舊承差故也○吏部奏新推道臣房之騏歷任山東置買田宅既經山東薦舉復用北直保結銓選之日不聲說回避應革職得旨房之騏情弊爾部原知如何屢駁方行指出倏升倏革是何議法堂司官俱著回奏○戊申以亢得時爲右副都御史巡撫河南

由國史院侍讀學士

遷

○偏沅巡撫金廷獻以病免○己酉吏部以房之騏一案引罪

回奏聽候處分得旨議政王貝勒大臣詳確議處○川陝總督孟喬芳奏西甯孫家寨回民據寨叛副將狄應魁等擊之生擒逆黨祁敖牙固子等埽其巢穴下所司敘卹○辛亥戶部議准科臣季開生奏請立限報災夏災限六月終秋災限九月終先將被災情

形馳奏隨於一月之內查覈輕重分數奏請蠲豁其逾限一月內者巡撫及道府州縣各罰俸逾限一月外者各降一級如遲緩已甚者革職永著爲例報可○乙卯議政王貝勒大臣等議奏房之騏銓補山東驛傳道一案以吏部尙書朱瑪喇等初謬執之騏爲北直籍貫有旨察議仍巧言支飾以不回避之罪歸之之騏至屢旨詰問方行認罪並出結少卿郝傑監丞潘士章等分別降革罰俸得旨朱瑪喇贖身革尙書任屯泰甯古里鏗特科爾坤希特訥崔世祿杭愛楊雀祥鍾有鳴苗澄宜圖金光祖俱贖身畱任木成格罰俸六箇月金之俊罰俸一年調用孟明輔呂宮馬光裕各罰俸一年宋學洙先後巧辯革職永不敘用房之騏革職永不敘用郝傑潘士章各罰俸六箇月○以蘇納海爲吏部侍郎

由弘文院學士遷

○丙辰諭吏部總督管轄數省巡撫專任一方得其人則事治民

安非其人則叢奸滋弊民受其害如不行考覈賢否無辨何以示勸懲著以順治十一年正月起爾部會同都察院矢公矢慎將各地方總督巡撫嚴加考覈分別確議具奏不許通賄私行蒙蔽徇縱向來推用督撫但止舉侍郎布按嗣後遇有督撫員缺不拘品級務從公會推擇其品行才猷素著者將政績事實詳註會推本內毋得聽受鑽營濫舉匪人朕以激清吏治責之督撫考覈督撫責之部院如推舉不公著都察院科道官指實糾參○諭吏部朕圖治方殷用賢爲急原任戶部尙書党崇雅清勤素著前雖告老歸里才品實堪委任茲特起用著諭到之日卽速赴京朝見不得引年託辭○諭吏部吏部居六部之首人才用舍治亂攸關今尙書員缺宜慎加選用朕觀弘文院大學士劉正宗清正耿介堪充此任特升一級加太子太保管吏部尙書○刑部侍郎伊爾都齊

緣事解任○免江南旱災州縣額賦有差○戊午工部議覆御史高爾位奏籍沒官屋每城撥八間增置棲流所以處饑民報可○浙閩總督劉清泰等奏江浙會剿將領陳陞等自均潭進攻九仙山賊寨逆首楊文中礮死賊弟楊富賊將劉理順等勢窮乞降餘黨悉平下所司敘卹○己未免江西五十四州縣旱災額賦○庚申經略大學士洪承疇奏楚省寇亂多年人知逆賊孫可望等抗拒於湖南而不知郝搖旗一隻虎等肆害於湖北今湖南分駐重兵足備防剿而各郡寫遠不免首尾難顧之憂其荊州賊孽儻或由澧州而犯常德或截岳州以犯湘潭則我軍腹背受敵臣與督臣議臣宜往來長沙四應調度督臣移駐荊州提督標下官兵宜赴荊州鄖襄間聽調仍俟另撥各營官兵增武昌城守以壯聲援又奏頃桂林雖復其實附郭止臨桂一縣外郡止靈川興安全州

三州縣而已逆賊李定國距省僅二百里眈眈思逞滿洲援剿官兵豈能定畱將來恢復州縣何以分守兵至則賊退兵去則賊復合彼逸我勞甚犯兵家之忌又若孫逆探我兵出援因以靖沅賊兵截粵西險道則我首尾難顧反置孤軍於徼外種種危形顯然易見目前已嚴促所調官兵速往協同戰守俟臣親歷衡永再商機宜以聞俱下所司速議

十二月癸亥諭吏部朝廷設立言官原爲矢忠進諫糾彈不法近來言官未見有建白切當及糾參顯要者皆因懼被論之人反脣仇讐遂爾緘口自今以後凡被論者如有辯處止許就所參事款據實剖白不許反脣仇讐有乖法紀言官亦不得挾私誣捏自取咎戾其參奏公私當否或見任或升任考察京官之時該部院分別覈奏以爲勸懲爾部卽行嚴飭○諭吏部原任戶部尙書謝啟

光前雖革職回籍朕聞其幹練有才且使功不如使過特子起用以觀自新著作速赴京○黑龍江鄂爾多科等來貢○丙寅以固山額真陳泰爲定南靖寇大將軍與固山額真藍拜濟席哈護軍統領蘇克薩哈等統兵鎮湖南上又念比歲不登芻糗缺乏從征將士馬多羸瘦若令自爲飼養恐難贍給分別量支銀兩騎兵無馬者每牛彙發馬十匹復諭統兵固山額真護軍統領梅勒章京等曰前軍失機俟到日議處我朝用兵從無此失爾等遇有軍機會同各營將領商酌而行悉心無隱蓋師行原有一定紀律大小將佐果爲國盡力豈致挫衄尙其勉之慎勿藐視主帥更須撫勵士卒果能愛眾而得其心安有遇敵而不爭先效命者乎○丁卯以呂宮爲內翰林弘文院大學士由吏部右侍郎遷○以馮聖兆爲右副都御史巡撫偏沅原任宣府巡撫○以阿達哈哈番博博爾代爲議政

大臣○以阿思哈爲刑部侍郎

由梅勒章京遷

○戊辰贈殉難廣西府江

道周永緒右江道金漢蕙知府尹明廷知縣涂起鵬華鍾四川安

縣道參議梁一訓官廕○庚午諭平西王吳三桂曰朕惟折衝禦

侮社稷良臣報德崇功國家盛典爾平西王吳三桂英才自命雄

略羣推早識天心先歸王室子居甥館親聯帶礪之間身受藩封

寵列公孤之右曩入關破寇從定中原暨銜命撫秦其平西陝蓋

忠勤之備至亦威惠之交孚繼以巴蜀跳梁特命陳師致討成都

諸邑悉隸版圖保郡餘氛旋成殄滅厥功懋矣朕甚嘉焉聿彰圖

閣之猷爰申詔祿之典茲將功次續入冊內又於藩俸六千兩外

加俸一千兩以報勤勞嗚呼元老壯猷忠尙資於頗牧戚臣宣力

誼更篤於腹心王其鞏固封疆殫抒籌策績益宏於勘定盟永重

於河山尙克祗承無斁朕命○辛未 上幸南苑○甲戌吏科副

理事官彭長庚奏凡八旗世胄之臣在各衙門供職者偶有過失止應革其衙門職銜在旗下犯事者止應革其旗下職掌近或因衙門小過並革其世職是以微瑕而累全瑜似屬可惜請今後凡陣前疏虞者議革世職其他一售止就職掌處分庶賞罰克當下部確議○免浙江金華九年旱災額賦○癸未致仕少保戶部尙書党崇雅奏臣蒙 聖諭召臣赴京特恩起用誼不敢辭但臣母八旬奄奄卧病臣年七十老態備見儻復任臣以官必致溺職乞收回成命臣母與臣共戴 皇仁得旨卿回籍逾歲清操懿行實企朕懷今覽所奏以親病不忍遠離且言衰老步履艱難情詞懇切但朕求賢圖治倦念老成年雖七十猶堪任事宜勉遵前諭速著來京君親兼顧忠孝兩全卿心可安朕懷亦慰○命和碩敬謹親王尼堪子尼思哈襲爵○設兵部督捕滿漢侍郎各一增司官

各六另設公署專理緝捕寇事務○以阿達哈哈番羅畢爲議

政大臣○轉高珩爲吏部右侍郎以梁清標爲禮部右侍郎

由秘書院

學士

○陝西四川總督孟喬芳引疾請代

上念其勤勞素著命

加少保馳驛回京調理○甲申免河南開封彰德衛輝懷慶汝甯

九年十年水災額賦○丙戌江甯巡撫周國佐奏海逆入犯吳淞

遣副將張思達參將雷應春等出洋進剿將士奮勇轉戰一百四

十餘里殺賊無算參將張其業楊國海先登陣歿命所司敘卹○

丁亥 上還宮是夜地震有聲○是歲人丁戶口一千三百九十

一萬六千五百九十八田地山蕩三千八百八十八萬七千九百

二十六頃三十六畝畦地二萬二千九百八十八箇徵銀二千一

百二十八萬七千二百八十八兩四錢米麥豆五百六十七萬二

千二百九十九石九斗有奇草二百九十萬九千一百一十八束

中茶三萬七千三百五十筵行鹽三百七十六萬一千五百三十
八引徵課銀二百一十二萬八千一十六兩二錢鑄釐錢二十五
萬二千一百六十六萬三千七百四十文有奇舊鑄銅錢二十一
萬三千三百七十文有奇鈔一十二萬八千一百七十二貫四百
七十文有奇

東華錄

順治二十二

臣王先謙敬編

臣周倫蕃恭校

順治十一年甲午春正月壬辰朔朝鮮來貢○陝西四川總督太子太保兵部尚書兼右副都御史孟喬芳卒贈太保廕一子入監讀書○己亥工科副理事官祁通格奏漢官輕罪皆議罰俸滿官則有納贖之例請自今滿官有緣事應納贖者照漢官例改爲罰俸至滿官品職皆由戰功而得今或以一時一事之過遂行褫革血戰勤勞頓歸烏有請自今公侯以下大小臣工除大貪大弊不赦外其餘酌量處治懇勿遽行革職又漢官處分悉歸吏部而滿官小事輒送刑部亦非所以崇國體而勵臣節請自今未經革職者悉聽吏部議處則體統全而名節勵矣下部議○辛丑諭工部

江甯蘇杭等處地方連年水旱小民困苦已極議賑則勢難周屢獨又恐國用不足朕用是惻然於中念織造衙門原供服御賞賚之用前此未能遽罷近聞甚爲民累夫民既苦賦稅又苦織役何由得安民既不安朕豈忍被服美麗不爲之所乎嗣後織造除祝帛詔敕等項著巡撫布政織解外其餘暫停二年爾部卽行傳諭其應撤官役竝應解錢糧事宜作速議奏○壬寅 上幸內院諭陳名夏呂宮曰朕前聞孟喬芳病故深用軫惻不禁淚下喬芳與朕甯有姻戚哉但以其爲國忠勤效力故也比年以來朕之眷顧漢官視滿官有加夫滿官自 太祖 太宗時宣力從征出百死方得至是朕之優待漢官者豈以其有功而然蓋期其既受朕恩必盡忠圖報耳今觀漢官之圖報主恩者何竟無一人耶陳名夏奏曰君之愛臣猶父母之愛子臣之不能承順乎君猶子之不能

承順乎父母也臣等豈無報效之心卽有此心皇上或無由洞

悉耳上曰數年來徒廩朕懷曾無愉快應升之人得升不思圖

報猶可不應升者越次簡用全不思報反謂己才所致陳名夏奏

曰皇上厚恩無不思報但臣等才庸識淺致有錯失爲難必耳

上曰錯失何妨與其才高而不思報國不如才庸而思報國之

爲愈也儻明知而不思報效擅敢亂行事發決不輕貸彼時毋得

怨朕自貽伊戚耳○增兵部督捕衙門滿洲主事翻譯滿漢字主

事各一他赤哈哈番筆帖式哈番各八○癸卯諭禮部嗣後每年

元宵令節四十五十六日不賽神不還願著爲例○甲辰以魏

瑄爲兵部督捕右侍郎

由大理寺卿遷

○增督捕衙門滿洲理事官漢軍

理事官漢郎中員外各一主事四○乙巳轉莊應會爲廣西左布

政使

由江西布政使轉

李中梧爲四川左布政使

由河南布政使轉

以李長春爲

廣東右布政使

由江西按察使遷

張自昌爲湖廣右布政使

由廣西按察使遷

徐

永楨爲四川按察使

由山西督糧道參政遷

史記功爲江南按察使

由山西道員南遷

參政

李日芳爲浙江按察使

由陝西西甯道副使遷

○戊申免江南安徽蘇

松常鎮廬鳳淮徐滁去年被災額賦○己酉以吳達禮爲兵部督

捕左侍郎

由刑部啟心郎遷

○以袁廓宇爲右僉都御史巡撫偏沅

由江

糧道參議遷

胡全才爲右僉都御史撫治鄖陽

由江西饒南九江道參議遷

○庚戌

廣東巡撫李棲鳳奏副將栗養志張瑋招撫仁化月峒賊渠陳茂

等及其黨七百餘人○辛亥左都御史趙開心條奏六款奏對宜

親經筵宜御遴才宜實過誤宜原流徙之自贖宜開法司之職掌

宜重得旨經筵俟文華殿工竣舉行已有諭旨何得瀆奏接見諸

臣講求政事言雖近理但比來朕心勞悴身體欠調是以未得接

見至本內云屏斥畋遊朕思

祖宗立國以來講武習兵安不忘

危開荆之初何得懈弛武事況深居高拱乃明季陋習豈可踵行
趙開心此奏實常談淺見風憲大臣果知朕過卽當直言無隱何
得泛爲條陳沽名塞責殊負朕委任之意著嚴飭行其餘四款著
該部議奏○癸丑江南江西總督馬國柱奏海賊分竄入犯崇明
內江靖江泰興蘇州總兵官王璟等連擊敗之○甲寅以金礪爲
兵部尙書兼右都御史總督川陝三邊由國山
賴眞遷○乙卯都察院奏

滿洲兵丁雖分給地土而厯年並未收成因奉命出征必需隨帶
之人致失耕種之業往往地土曠廢一遇旱澇又需部給口糧且
以地瘠難耕復多陳告而民地又不便再行圈占請查壯丁四名
以下地土盡數退出量加錢糧月米其馬匹則於冬春二季酌與
餵養價銀其退出之地擇其腴者許令原得瘠土之人更換餘則
盡還民間在滿洲有錢糧可望樂於披甲而又無瘠地之苦至民

間素知地利復不至於荒蕪是兵民共仰 皇仁於無盡矣下該

部確議○江南江西總督馬國柱奏海寇犯金山夜竊大礮復燒
燬金山瓜州船隻順流而遁○丁巳免直隸順德廣平大名天津
薊州去年水災額賦○督捕侍郎魏琯奏籍沒止以處叛逆強盜
已無籍沒之條乃初犯再犯之逃人罪鞭一百而窩主則行籍沒
逃輕窩重非法之平今欲除籍沒之法須先定窩逃之罪請下議
政諸臣會議務期均平以便遵守下部議○己未諭吏部前高爾
儼告病朕命在京調理原望其卽時痊愈是以不令解任今據所
奏病雖痊愈不耐勞劇朕恐伊繫心職業未能遽臻平復茲特許
解任安養勉事醫藥在京回籍聽其從便調理俟病痊愈後候旨召
用○辛酉湖廣總督祖澤遠奏辰常總兵官楊遇明擊敗賊渠張
纏頭於桃源之兩河口誅獲無算生擒偽總兵李陽春等

二月癸亥給事中林起龍奏昔兵在盛京無餉而富今在京師有餉而貧揆之時地似宜變通查會典開載馬匹軍裝軍器草料諸款舊例全用給兵乞 皇上垂念八旗舊兵爲朝廷禁旅仍照舊通給錢糧則人皆蒙恩不苦窮困下所司詳議○乙丑諭吏部前因會議任珍一事回奏蒙混與議各官俱經分別降處朕念諸臣皆係股肱耳目之司朝廷素所優待今循省既久量已改過著各復原銜自今以後當滌舊圖新各殫忠誠益思報效毋負朕期望至意○丙寅諭都察院六科朕惟言官耳目之司每期直言無諱欲聞天下之邪正貪廉大利大害以便發政施令立致太平故從前屢下明旨啟示開導屬望於言官可謂至切孰意重違朕心納交結黨或有身被人言倩人報復者或有徇護同黨代爲報復者以故多有明知其惡畏其同黨而不敢言每閱奏章實心爲國者

少附黨行私者多古云欲人不知莫若勿爲書云自作孽不可追
朕今圖治方殷豈容比匪成奸但念秋霜肅殺莫若陽春化育自
今以後須各滌肺肝捐舊圖新凡天下邪正貪廉大利大害務要
實心爲國直言不諱則政治新而太平可臻矣爾等身家名譽亦
與之俱永豈不美哉○以金之俊爲內翰林國史院大學士原在吏部
尚書○己巳命靖南王耿繼茂移鎮廣西桂林○庚午甄別各直省
督撫加江南總督馬國柱太子太保直隸總督馬光輝湖廣總督
祖澤遠俱太子太保漕運總督沈文奎操江巡撫李日芑四川巡
撫李國英俱兵部尚書陝西巡撫馬之先兵部右侍郎廣東巡撫
李棲鳳加一級浙江巡撫蕭起元降一級照舊管事宣大總督佟
養量甯夏巡撫孫茂蘭俱解任山西巡撫劉宏遇降一級山東巡
撫夏玉降二級調外用湖廣巡撫遲日益革職餘俱畱任○戶部

右侍郎孫廷銓請假省親允之○鄖陽撫治朱國柱以病免○四川左布政使李中梧引年乞休 上以其歷任清勤命所司酌議加恩以示優異尋加秩一級廕一子入監讀書○辛未 上幸內院諭諸臣曰朕獨理萬幾常恐是非失於偏執故令集眾會議及眾議之時有羣以爲是而一人堅執己意謬相爭論殊屬未合夫既羣以爲是卽當從之若常懷好勝之心明知其非而猶強辯不但政事有妨且虧國家大體急宜痛改陳名夏奏曰仰承 上諭小事猶煩戒飭若遇大事何敢不謹識於衷以圖改易馮銓奏曰凡謬相爭論者必不自知其非若果知之豈敢如是古云君仁則臣直蓋止欲直陳所見故不覺其言之謬也旣承 上諭敢不祇遵但恐其不自知耳 上曰所謂君仁則臣直者所見是而直陳之乃直臣也豈飾非強辯之爲直乎若執意妄行致蹈重罪朕雖

欲寬國法難貸且朕卽寬而用之彼亦何顏自立朕之心爾等所知爾等之心朕亦知之君臣一體豈有間乎諭畢大學士額色黑圖海議政內大臣巴哈費揚古等奏曰皇上此諭蓋欲諸臣遇有過失豫行省改恐蹈重罪故煩教誨諸臣當悔悟且謹識之於是召翰林各官賜茶○命大學士甯完我預滿洲議政大臣之列○以督理織造工部右侍郎周天成值萬壽節違例自備龍袍進賀革侍郎銜罰拜他喇布勒哈番俸一年○癸酉敘桂林戰守功加提督總兵官線國安太子太保總兵官全節左都督餘各升級紀錄有差○給事中魏裔介奏連歲水災頻仍直隸河北山東饑民逃亡甚眾請敕督撫嚴飭有司凡流民所至不行收恤者奏參斥革若能設法撫綏卽分別多寡准以優等保薦竝乞大沛鴻恩發銀數萬兩遣滿漢賢能官員沿途接濟務使流民得所庶德

澤布而閭井甯得旨饑荒流徙民不聊生朕深切憫惻其賑濟安
插勸懲鼓舞事宜俱屬急務著所司速議以聞○盛京徽戶李百
總收養山海關內貧民四百餘口 上以其尙義可嘉賞衣服鞍
馬以示獎勵○丙子祀先農行耕藉禮祝文曰維神肇興農事利
賴萬年茲當東作躬耕藉田願錫大有物阜民安謹以牲帛醴齊
之儀用申祭告○丁丑增都察院經歷司掌印滿洲理事官一○
裁直隸大城營遊擊千把總各一兵二百名東安營遊擊千把總
各一白石營守備把總各一兵五十名寶坻營遊擊一兵三百名
改薊州守備爲都司裁白石營守備把總各一○辛巳敕諭平南
王尙可喜靖南王耿繼茂曰廣東嶺海要區新經底定撫綏彈壓
善後宜周平南王尙可喜專畱鎮守廣西地方乃楚粵門庭滇黔
鎖鑰省會雖平郡縣未附逆賊李定國見踞柳州狡圖窺伺伏莽

尙繁亟需勦撫特命靖南王耿繼茂帶領本標官兵及隨征綠旗官兵前赴廣西桂林駐紮續卽發馬五百匹以資馳勦務要申嚴紀律鈴束兵將防勦逆賊招撫人民偕經督撫鎮諸臣同心協力與湖南廣粵策應聲援廓清南服功成之日益加懋賞朕念兩王躬擐甲冑率勵官兵摧方張之寇收不逞之民肇慶逆賊潛蹤遁竄潮州叛將駢首就誅地方安堵功莫與京朕深嘉悅茲特遣內翰林祕書院學士郎廷佐一等侍衛姑蘇三等侍衛德墨起兵部主事土喇前往宣諭朕意特頒賞賚標下官員聽王酌賞再各給銀三千兩將陣前效力撥什庫千把總竝兵丁亦聽兩王賞給兩王旣專分鎮益懋前勦慰朕倚任至意欽哉○壬午調龔鼎孳爲戶部左侍郎由刑部調○以馬鳴佩爲兵部左侍郎兼右副都御史總督宣大山西由倉場侍郎遷耿焯爲右副都御史巡撫山東由通政使遷陳應

泰爲右副都御史巡撫山西

由左僉都御史遷

林天擎爲右僉都御史巡

撫湖廣

由布政使司參政遷

黃圖安爲右僉都御史巡撫甯夏

原任

○吏部議

覆給事中周曾發奏布按鹽司等官必待三年升轉勢必懸缺以待應請新舊一體隨時論俸推升其府州縣及佐貳首領降謫等官仍應以三年爲滿方許升轉從之○直隸山東河南總督馬光輝以疾免○癸未江甯巡撫周國佐奏海寇張名振等傾巢入犯副將趙光祖敗之於深淘港遊擊高永義敗之於楊家觜遊擊曹士奇敗之於小洪東阜俘斬甚眾下所司察敘○廣東巡撫李棲鳳奏恢復平遠縣○甲申諭戶部等衙門朕念比年兵事未息供億孔殷加以水旱頻仍小民艱食地方官不加撫綏以致流離載道夫普天率土繫命朕躬而困苦如斯何忍聞見朕爲之寢食不遑拯濟安全時不容緩戶部等衙門凡有錢糧職掌者卽將見今

貯庫銀兩實在數目作速查明奏聞○丙戌諭戶部四海蒼生皆朕赤子飢寒流徙深切惻憐前各督撫奏明災荒等處已經查照分數酌量蠲免各府州縣衛所等官務在實心奉行不許仍行混徵徒飽貪腹如該管官吏蒙混徵收督撫司道不能覺察者事發一體究治有極荒地方非蠲免所能救者該督撫速行查奏另加恩恤至於畿輔重地房屋田土多經圈占加以去年水荒特甚尤爲困苦朕夙夜焦思寢食弗甯亟宜拯救庶望生全但荒政未修倉廩無備若非頒發內帑何以濟此急需茲特命戶禮兵工四部察發庫貯銀十六萬兩 昭聖慈壽恭簡皇太后聞知深爲憫惻發宮中節省費用並各項器皿共銀四萬兩朕又發御前節省銀四萬兩共二十四萬兩差滿漢大臣十六員分赴八府地方賑濟督同州縣衛所各官量口給散務使饑民均霑實惠仍設法清查

毋滋奸弊八府所轄州縣多寡不同被災輕重亦異須酌量妥確
通融散給著吏部速將在京各衙門滿漢堂官才能清正者開列
職名具奏候朕簡差給以敕諭關防前往○是日 皇太后母科
爾沁國賢妃訃音至 上卽詣 皇太后宮奏聞諸王貝勒福金
內大臣等俱集 上不還宮哀悼殊甚諸王奏曰舊例外戚有喪
未嘗過哀 上宜還宮 上曰朕亦未嘗過哀但甫聞訃欲畱此
慰安 皇太后耳諸王貝勒等可各歸第朕亦還宮矣於是王等
俱歸 上猶悲悼不已大學士范文程額色黑圖海奏曰外戚有
喪從無如此久慟之例況 上離宮寢淹畱於此亦爲不可聞訃
之頃旣已卽詣 皇太后今宜早還 上曰朕未嘗過慟但宮闈
與此切近甫當聞訃之頃欲宿此以慰安 皇太后耳是夜遂畱
宿至次日午刻始還○厄魯特部阿巴賴諾顏等來貢○戊子遣

尚書覺羅巴哈納等分賑畿輔○調范達理爲倉場侍郎由戶部調

李顯貴爲工部侍郎由梅勒章京遷○己丑免河南祥符等州縣衛所十

年水災額賦○增江南沿海水師三千名○庚寅以李際期爲刑

部右侍郎由左通政遷○以李蔭祖爲兵部尚書兼右副都御史總督

直隸山東河南由兵部右侍郎遷○轉張自昌爲廣西左布政使由湖廣右布政

轉使

三月辛卯朔國史院大學士甯完我劾大學士陳名夏結黨懷奸情事巨測奏曰臣思陳名夏屢蒙皇上敕宥擢用眷顧優隆卽宜洗心易行效忠於我朝孰意生性奸回習成矯詐痛恨我朝薙髮鄙陋我國衣冠盪惑故紳號召南黨布假局以行私藏禍心而倡亂何以明其然也名夏曾謂臣曰要天下太平止依我一兩事立就太平臣問何事名夏推帽摩其首云止須畱頭髮復衣冠天

下卽太平矣臣笑曰天下太平不太平不專在薙頭不薙頭崇禎年間並未薙髮因何至於亡國爲治之要惟在法度嚴明使官吏有廉恥鄉紳不害人兵馬眾強民心悅服天下自致太平名夏曰此言雖然止畱頭髮復衣冠是第一要緊事臣思我國臣民之眾不敵明朝十分之一而能統一天下者以衣服便於騎射士馬精強故也今名夏欲寬衣博帶變清爲明是計弱我國也臣與名夏觸事辯論不止千萬言灼見其隱衷名夏禮臣雖恭而惡臣甚深此同官所共見聞者也今將結黨奸宄事蹟列款爲 皇上陳之一陳名夏父子居鄉暴惡士民怨恨全家避居江南國公花園中此園係無主產業例應入官價值十萬金江南各上司公捐銀三千兩代爲納價見今名夏妻子居住又故明吏部吳昌時女姦逃執訊名夏子陳掖臣屬江南各上司釋放爲尼因而包占又掖臣

橫行江甯城中鞭責滿洲破面流血鬧至總督公署賠禮保放又掖臣坐大轎列棍扇說人情納賄賂各官掣肘俱敢怒而不敢言無名冤揭貼徧城內上寫名夏不忠不孝縱子肆虐人人懼其威勢成克鞏亦曾言之科道官豈無一人知聞何無一奏入告其黨眾可想見矣臣料名夏明知子惡難掩儻有究問必以路遙不知爲詞伏乞降旨將名夏家人長班嚴加拷訊不惟教子爲惡之情得並其他奸宄情形亦必吐露矣一趙延先係陳名夏契交名夏署吏部尙書時徇私驟升科臣郭一鶚言吏部升官遲速不一疏指延先爲證延先歷任月日一鶚察記未詳多開兩月後自檢舉名夏懷恨欲處一鶚劉正宗云趙延先歷任月日若以多作少一鶚有罪今以少誤多一鶚何罪名夏聞言生嗔語侵正宗正宗不平當眾寫本欲參名夏眾勸方止又如甄別翰林去留出自皇

上名夏向王翰林說不知僞是好人我爲何教僞出去臣思趙延先不當升而升名夏反欲處言官而非同列甄別翰林本出聖裁而名夏直任去畱由己攬權欺詐信不誣矣一史儒綱乃溧陽世家係陳名夏姻戚當有房產儒綱任浙江道時誣朱秀才爲故明宗支鈔其家貲巨萬偏其親人性命浙撫蕭起元劾儒綱賊私數萬奉旨革職提問名夏利儒綱田宅許其開贓復官屢次偏屬起元起元難認參虛遲延三四年不結後起元不得已蒙混咨部已經部駁名夏將票擬蕭起元之處又加駁重批從重議處額色黑圖海執本呼臣云此本無可駁處臣看畢謂名夏曰此本止該批該部議奏名夏依允張端隨於柱上手寫一史字笑云是爲史儒綱也臣始知前聞不謬儒綱此案今已八年未結一採花張天植告假回南名夏助路費銀百兩天植於伊妻子處還本利五百

兩名夏不知以爲騙已故言天植得罪於我所以外轉及還銀信到見天植又曰還汝翰林可也天植係臣門生知之頗悉昨見馮銓等薦舉十二人奏內列有天植姓名則名夏之營私巧詐莫可端倪矣一吏科魏象樞係陳名夏姻親結爲一黨象樞誤參司官錢受祺擅委中軍後自檢舉奉旨中軍巡捕懸殊何得錯誤著議奏部覆錢受祺無罪免議魏象樞降級調用名夏輒自票部本云事屬疏忽著罰俸六箇月成克鞏云旣奉嚴旨而票事屬疏忽似屬相悖不如改旣經檢舉名夏依言改之次日發出紅本馮銓云此本票錯落去錢受祺免議字樣理應檢舉名夏云馮係當直成係票籤該爾二人檢舉克鞏作色言曰籤何人所擬教我二人檢舉乎後來竟不曾檢舉於時張端低聲作唱曰救了一箇就忘了一箇由此觀之則名夏之護黨行私昭然可見矣一臣等職掌票

擬事關重大依駁增減裁決聽之 皇上是非可否草底出自各臣一字輕重關係公私臣慮事有錯誤公立一簿於分票事件下各親書姓氏以防推諉眾議僉同行之已久偶一日名夏不候臣等到齊自將公簿註姓塗抹一百一十四字爲同官所阻始住筆不抹後復照舊註姓竊思公立此簿名夏何得私抹不知作弊又在何件耳此簿典籍印鈐見在一二月初四日晚 上命內大臣傳出科道官結黨諭旨臣書稿底交付內值及票紅發下抹改原稿數語成克鞏云好條畫龍被人剝去眼睛矣抹去者是擠異排孤一語改者是明季埋沒局中因而成禍今方馳覲域外豈容成奸四語臣問蔣赫德云是誰改抹答云是陳所改臣思 皇上聖明天縱見微而知著聞一以知十名夏奸宄糾黨之情形恐 皇上看破故欲以隻手障天也以上數款惟擇其實證據確據者舉之

耳竊思從古來奸臣賊子黨不成則計不得成何也無真才必無實事無實事必無顯功是以必結黨人而爲之虛譽也欲成奸黨必棄理道附己者雖惡必附異己者雖善必仇行之久而入黨者多矣始也借人以引己繼也納賄而引人若非確察其鄉評輿論實按其經理事件則黨固而莫可破矣臣又竊自思念壯年孟浪疏庸貪博孤負先帝一廢十年皇上定鼎燕京始得隨入禁地仰觀天顏矩趨公署株守臣職者又復十年於此十年間忍性緘口不復作狂吠之犬然而愚直性生每遇事而勃發李應試潘文學向非臣言復擒早已免脫矣臣雖不敢行埋輪補牘之事若夫附黨營私以圖目前富貴臣甯死不爲也業已自憐孤蹤廢志俟沒不意皇上不以臣爲衰老無用錄入滿官之列已出望外又聖壽之日更餘之時同內大臣召入深宮親賜御酒臣接

孟承恩之際不禁哽咽欲淚今又命隨大臣議政臣非土木敢不盡心力以圖報效但臣不熟滿語老病孤孑望 皇上俯賜矜憐則餘生之年皆捐糜之日也臣痛思人臣貪酷犯科國家癰疥之疾不足憂也惟懷奸結黨陰謀潛移禍闕 宗社患莫大焉陳名夏奸亂日甚黨局日成人鑒張烜而莫敢聲言臣舍殘軀以報答聖主伏乞 皇上將臣本發大臣確審具奏法斷施行則奸黨除而國家治安矣得旨這所參事情著內三院九卿科道詹事等官會同逐款詳問從重議罪具奏○壬辰江南總督馬國柱奏逆賊賴龍等盤踞桂東出沒江楚臣移咨楚撫合兵會剿直搗賊巢賴龍等就擒下所司察敘○乙未初大學士甯完我劾陳名夏父子濟惡有旨切責滿漢科道官不行參劾著令回奏至是各上疏認罪得旨言官隱嘿不糾殊負職任趙開心降三級調用魏象樞

楊璜高桂周之桂陳調元劉顯績宗敦一各降一級調用其餘科道各官俱罰俸一年左都御史屠賴副都御史佟國允僉都御史蔣國柱及滿洲科道等官各以次罰銀副都御史林德馨吏科給事中林起龍俱歷任未久著免議○丙申敕諭賑濟直隸大臣巴哈納等曰直隸各府係根本重地去年水潦爲災人民困苦飢餓流移深軫朕懷晝夜焦思不遑寢食特命發銀二十四萬兩分給賑濟茲命爾等齎銀前往各府地方督同該道府州縣衛所等官計口給賑須賑濟如法及時拯救毋論土著流移但係饑民一體賑濟務使均霑實惠不許任憑胥吏人等侵剋冒支其應徵應停應免錢糧查照該部奏定則例逐一明白開列示諭小民毋使奸猾吏胥及糧長土豪通同作弊承行各官實心任事有益荒政者會同督撫優與獎薦其貪殘縱役怠忽民生者卽行劾奏儻有無

知棍徒借饑荒名色搶奪害民者爾等卽會同該地方官拏問處治近京地方米價騰貴饑民得銀猶恐難於易米殷實之家有能捐穀麥或減價出糶以濟饑民者爾等酌量多寡先給好義扁額及羊酒幣帛以示旌表仍具疏奏聞若有里甲人等指稱拖欠錢糧奪取賑濟銀兩或富豪挾偏賑銀以償私債俱許饑民控告卽時重處其被災人戶已去復歸者倍與賑濟銀兩俾得復業其他境移來者旣與賑濟仍加意安插使之得所衛所屯丁與百姓一體賑恤饑民內年七十以上者著該州縣官增給布一疋造冊開銷其遺棄子女設法收養若民間有能收養四五口以至二十口者爾等亦酌給羊酒幣帛好義扁額具疏奏聞其饑殍屍軀著有司隨時掩埋毋致暴露殘毀以傷和氣凡詞訟除強盜人命外其餘戶婚田土一切小事暫停受理違者參奏饑荒地方人民有往

豐收之處糴買米糧者不許恃強之徒遏閉攔截犯者拏問情重
參處爾等經臨處所凡鋪設支應酒席餽送一切浮費悉皆停罷
仍須減省騶從問民疾苦毋許科派里甲重累饑民敕內開載未
盡事宜聽爾等斟酌奏請施行事完之日通將賑過州縣衛所人
民用過銀兩數目詳明造冊奏繳爾等受茲委任必須持法奉公
殫力任勞悉心經畫務使恩溥人安庶仰副 聖母朕躬軫恤小
民至意如或遷延玩忽具文塞責罪有所歸爾等其勉之慎之○
辛丑先是吏部等衙門會鞠大學士甯完我劾奏陳名夏諸款俱
實陳名夏論斬家產籍沒妻子流徙盛京隨命議政諸王貝勒大
臣覆議至是會議陳名夏情罪重大仍應論斬妻子家產分散爲
奴伊子陳掖臣提到另行審結得旨陳名夏所犯之罪實大理應
處斬但念久任機密不忍肆之於市著處絞妻子家產免分散爲

奴餘依議○諭工兵二部朝廷設內外諸司所以代天工理庶務無論文武衙門大小官員各有責任若一官不補卽曠一官之職近聞官多缺員皆因吏胥作奸蒙混積壓上下其手竊弄事權求索賄賂吏胥之弊司官不舉司官之弊堂官不察因循延緩日復一日以致弊竇叢生甚至有頻年困頓流落旅邸不得一官者人才淹抑政事廢弛皆此之故今後爾等兩部堂官務須正己率屬剔弊釐奸各該司官務洗心滌慮奉公守法毋得縱役夤緣仍蹈前弊自取罪戾滿漢各官當盡除推諉之習互相砥礪勉圖職業將見在內文武大小員缺作速詳察盡行推補務俾人才效用政事修明稱朕承天愛民至意○贈死事睢甯縣教諭王相呂官○乙巳調王永吉爲左都御史

由兵部
尚書調

○戊申

聖祖仁皇帝生

上之第三子也

母曰佟氏○諭科道等官陳名夏奸惡事情

爾等明知向來懼怯不言已屬溺職及至面詰勒令回奏皆云雖有風聞未得實據朕在深宮尙且洞悉爾等職司耳目何得懵無見聞明係知而不言相率欺蔽人臣忠愛之道豈宜如此今陳名夏已經正法爾等言官薄加降罪聊示懲戒以後務宜痛改前過從善去邪知無不言言無不實庶使僉壬屏迹中外肅清副朕求言圖治之意若仍前畏忌緘默苟容顛倒黑白徇私報怨明知奸惡庇護黨類不肯糾參而誣陷良善驅除異己蔽塞主聰混淆國是復蹈明末陋習誤國負君惟爾等之咎定行重治必不再寬○以蔣赫德爲內翰林國史院大學士由國史院學士遷○庚戌諭喀爾喀部丹津喇嘛曰前遣使來索達爾漢親王時曾頒敕諭爾丹津喇嘛及土謝圖汗車臣汗爾若盡返巴林人口爲首貝子入覲來請則收爾逃人之事俟彼時酌處爾乃抗違詔旨爾爲首貝子不來

入覲罪一本年各旗應貢牲畜又不來獻罪二巴林缺少人口不盡遣還罪三置此三罪不知引咎反以歸順朝廷之貝子擅請發回甚屬不合今爾縱盡還巴林缺少人口及爲首貝子入覲而此來歸之貝子各官斷無允爾發回之理豈但此已來歸之貝子卽另有來歸之貝子各官來卽受納且加以富貴恩養矣後九月間爾四旗進歲貢白馬驢駝時因爾屢違詔旨是以眾使臣來不許入覲仍如前宣諭遣回今詢爾子額爾德尼諾穆齊據奏云爾言四旗來貢白馬驢駝時奉旨切責諭以從前不遵敕諭不令爲首四貝子來朝而僅貢白馬八匹駝一隻是以將使臣驅逐彼時臣原欲齊集四旗貝子遣來因杭愛地方大雪會議遲緩是以無及比聞又出兵駐防恐傷和好故將年貢白馬八匹駝一隻卽來入貢命臣以此言奏聞又丹津喇嘛云 太宗皇帝曾言凡紅纓之

國與我並非仇敵故我等向曾遣使入貢 太宗亦加恩於我此亦眾所共知者及今皇上建元之歲遣額爾德尼諾穆齊首倡四貝子聽受命令修好入覲之後我遂往達賴喇嘛處自貝子定議和好以來地方安靖今我統攝四旗想亦聖主所知聖朝有何敕諭法度當遵照而行四旗貝子內若有一二貝子不遵教諭法度者卽將不遵教諭法度之貝子遣使奏聞及天朝侍郎畢力克圖來察巴林人口因我往見達賴喇嘛不在家中因將巴林人口缺少若干逃亡若干作書貽我我閱書隨遣博濟吉岱往問喀爾喀部達爾漢親王卓禮克圖郡王伊答云逃亡者有數人在此今可查出彼處有幾人卽將缺少人數作書開示以便奏聞據額爾德尼諾穆齊述爾言如此則爾擅自統攝二汗之四旗信不誣矣至言侍郎畢力克圖去察巴林人口時因往達賴喇嘛處不在家中

先畢力克圖去時爾縱不在家中豈逐回冬季貢使有不向爾言者乎爾又稱 太宗皇帝曾言凡紅纓之國非我仇敵朕嗣位以來曾往征爾等否碩雷汗將歸我之蘇尼特部落誘去土謝圖汗丹津喇嘛碩雷汗又將我追蘇尼特之兵抗拒迎戰天譴於爾致爾敗北又因兩楚虎爾侵掠巴林之故故前旨令將巴林缺少人口盡數送來爲首四貝子爲請免牲畜來朝方許入覲已頒明諭今可將爾處所有巴林人口作速送來爲首四貝子爲請免牲畜來朝若有不從者卽云某貝子不從止率從命貝子偕來卽三旗貝子皆不從爾亦來奏聞儻不出此若再有使來亦不容入也○辛亥以陳逢泰爲兵部侍郎由梅勒章京遷○癸丑諭吏部 太祖 太宗勅業開基收服諸國朕入關討賊除暴救民平定中原統一四海悉賴滿洲兵力建功最多勞苦實甚乃產薄差繁凡有征行馬

匹器械衣甲餼糧等項無不自備效力彌勤資生無策深可軫念
十年以來章奏雖多未見言及於此者近覽科臣林起龍所奏思
慮周詳條畫有緒實心爲國忠誠可嘉應作何優獎爾部酌議具
奏自今以後凡事關政治得失民生休戚大利大害應行應革切
實可行者言路各官俱著悉心條奏直言無隱如果爲國抒誠有
裨政事朕不靳懋賞爾部卽行傳諭○乙卯以孟明輔爲兵部尙
書

由吏部左
侍郎遷

○諭吏部謝啟光才猷老練特賜召用今來陛見朕

念其年力衰頹難理政務准以原官太子太保工部尙書致仕遂
其頤養仍著馳驛回籍稱朕優眷老成之意○以多羅慧哲郡王
額爾袞多羅宣獻郡王界堪多羅通達郡王雅爾哈齊配享太
廟○給事中魏裔介參奏續順公沈永忠身爲大帥手握重兵當
孫逆攻圍辰永諸郡一籌莫展望風宵遁乞亟賜罷斥免誤封疆

命永忠明白回奏○以海爾圖爲戶部侍郎

由梅勒章京遷

○戊午轉鄭

廷槐爲湖廣左布政使

由江南右布政使轉

王鹽鼎爲廣東左布政使

由廣西右

布政使轉

以彭有義爲陝西右布政使張鳳儀爲湖廣右布政使

俱由按察

使范登仕爲江西右布政使

由山西按察使遷

白本質爲河南右布政使

由山東按察使遷

莊應會爲四川左布政使

原任廣西左布政使

夏四月壬戌江西巡撫蔡士英奏僞都督曹志攀僞總兵汪文生

犯饒州廣信屬邑檄官兵迎剿復遣廣信府通判張羽明招撫志

攀文生率眾降下所司察敘○甲子諭禮部歷代以來無命婦更

番入侍后妃之例所以嚴上下之體杜絕嫌疑也今蒙

天眷奄

有洪基內外倫常首當隆重朕曾奏請

聖母皇太后將隨侍皇

后及王貝勒等福金命婦酌行停止奉

皇太后懿旨此言甚是

隨我命婦我自裁定其皇后及王貝勒福金貝子公夫人隨侍命

婦俱著停止其隨侍王貝勒貝子公等母之命婦各該王貝勒列名具奏候旨入侍大朝日期大臣命婦照例上朝朕欽遵懿旨特諭爾部明白傳諭施行○乙丑轉高珩爲吏部左侍郎調杜立德爲吏部左侍郎管右侍郎事

由兵部調

○給事中張王治奏江南鎮江

咽喉重地因無建牙重臣整飭戰具以致賊兵內犯查舊制設文武操江二員今止存操江巡撫一員又駐入百里外鞭長不及恐誤事機合請移駐京口專防江海吳淞要地仍責令蘇州總兵官鎮守無事則訓練水師有事則飛舸追剿職守既定南北各無推諉海氛撲滅可計日待矣下所司速議○戶部奏賦役全書關乎一代之制度各省之利弊查考舊籍貴詳盡無遺勅立新規期簡明易曉請敕臣部右侍郎將舊貯全書作速訂正督率各司官照所管省分勅造新書仍會同戶科詳加磨勘有應增減變通者小

則部科酌定大則上疏奏請務求官民易曉永遠可行書成頒行天下凡徵收定納解運支銷考成蠲免諸法悉據此書用垂永久報可○己巳諸王貝勒及廷臣鞠訊大學士陳名夏子掖臣倚恃父勢恣行不法諸事俱實應論死得旨陳名夏已正法不忍又戮其子著免死決杖遣戍盛京○庚午四川巡撫李國英奏爲都督魏勇犯順慶臣同川北總兵官盧光祖遣副將霍光先等擊破之下所司察敘○壬申京師地震○江南巡撫周國佐奏吳淞副將趙光祖遊擊李廷棟等敗海寇張名振於崇明南沙觔嶼興沙等處獲船甚多下所司察敘○癸酉諭科道等官朕覽近日言官糾參章奏都牽連陳名夏或曰名夏親戚或曰名夏黨與似此紛紜舉朝幾無善類矣爾等言官既有眞見何不言於名夏未發覺之前乃因其已經正法輒吹求無已成何政體殊非朕虛懷納諫之

意以後論人論事止許指實直言不許再借陳名夏親戚黨與進奏如有違犯者定行重治必不輕恕○甲戌給事中王楨奏成均之地多士觀型自古開勸之主莫不加意旁求實收得人之效前禮臣條議各直省考取才德之士用充國學臣竊以國家育才辟雍與其取之選拔不如取之副榜見今秋闈在卽宜豫敕典試諸臣凡取副榜不拘房考但以文理優長限於額數不能備錄者將原卷解到磨勘本生起送入監與貢生一例撥班教習則積學之士不至壅於上聞而首善之地立見濟濟之盛矣章下所司○以馮如京爲江南右布政使

由浙江金衢道參政遷

戴明說爲廣西右布政使

由河南汝甯道參政遷

○丙子浙閩總督劉清泰奏鄭成功雖斂迹投誠迄

未奉詔薙髮其附從黨羽仍行屠掠漸及省會假冒土民擾我海防窺我江浙當亟飭成功分別翦除以安邊境至於漳泉止設水

陸官兵原無遊寨名色其撥給額餉與經制官兵俱作何著落乞

敕該督撫從長商酌安置妥協下所司確議○丁丑初御史楊義

參奏告病在籍侍郎孫承澤素附陳名夏表裏爲奸積年罪狀可

據承澤上書自訟至是部議孫承澤應休致從之○浙江巡撫蕭

起元以鞫審史儒綱贓案遲延降一級調用○戊寅以張基遠爲

兵部右侍郎

由太常寺卿遷

○刑部奏各旗滿洲蒙古漢軍武職官員犯

罪舊例交刑部審理今議將罪犯重大者先送兵部議革後方下

臣部究擬至緣事應贖身者免其贖身名色照漢官例改爲罰俸

一年以全體統勵名節報可○己卯 上幸南苑 鑾輿所過郊

外農民耕耘不輟 上覽之大悅顧謂侍臣曰去年旱澇爲災小

民甚苦今如此辛勤待秋成後自獲享有年之樂矣命以銀八十

兩分賞農民百八十餘人○癸未以陳培楨爲山西按察使

由陝西調

南道參政

張爾素爲山西按察使

由江西南江甯道參政遷

王第魁爲廣東按察

使

由山東水利道副使遷

張尙爲山西按察使

由直隸井陘道副使遷

管起鳳爲廣東

按察使

由河南汝南道副使遷

秦嘉兆爲江西按察使

由福建驛傳道副使遷

○丁亥

以王永吉爲內翰林祕書院大學士

由左都御史遷

秦世楨爲右僉都御

史巡撫浙江

由大理寺寺丞遷

○戊子江南海寇徐可達朱元等降

五月辛卯予故河南巡撫雷興祭○予故固山額真左夢庚祭立

碑○壬辰聘科爾沁國鎮國公綽爾濟女爲妃○贈皇太后父

寨桑爲和碩忠親王母爲賢妃遣官致祭加之冊命冊文曰錫土

建邦必視功以崇報展親布澤咸推本以加恩成憲俱存世以爲

重外大父寨桑爾乃嫩科爾沁貝勒爲我聖母昭聖慈壽恭簡

皇太后之父本以勲親世守忠懇既效力於先皇固守邊圉之

地矧誕育乎聖母肇開久遠之祥勉篤忠清罔渝終始應加稱

號以示顯揚人雖云亡益深悼念茲冊贈外大父爲和碩忠親王
外大母爲和碩忠親王賢妃嗚呼休稱允錫位踰五等之尊綸誥
竝頒恩被九原之下受茲寵命永裕後人○設督捕司獄司司獄
二○吏部議覆平西王吳三桂劾奏原任四川巡按郝浴飾詞冒
功應削職爲民大學士馮銓等薦舉不當應罰俸六箇月得旨郝
浴虛誑冒功馮銓成克鞏呂宮爲信任倚毗大臣不能糾劾反扶
同薦舉顯有情弊俱著明白回奏○甲午端陽節 上召內大臣
大學士等乘龍舸遊西苑諭諸臣曰舟敝則加修法久則加整一
經修整則煥然復新矣大學士馮銓奏曰今之政事 皇上勵精
圖治自爾日新又新 上領之至北橋登岸幸南臺賜諸臣饌
上曰朕甚憫耕牛勞苦不忍食其肉大學士金之俊奏曰 皇上
恤牛之勞且然況海內百姓乎 上與諸臣歡宴至暮還宮○丁

西先是遼陽知縣陳達德故其部民趙廉靜等求以達德子瞻遠繼父官盛京昂邦章京葉克書爲請於部至是部議遼陽初設陳達德爲首招眾出關因俾爲縣令今百姓願戴其子必其子同有招徠之勞故樂與其事應如所請從之○戊戌禮部奏定南武壯王孔有德並其母靈柩發自廣西歸葬東京喪車至日應遣內大臣禮部官各一員迎奠並令和碩親王以下梅勒章京以上各官往迎遣官如例致祭往東京時仍令諸王大臣會送給銀四千兩造墳工部立碑從之○庚子調李長春爲湖廣右布政使管左布政使事由廣東右布政使調○以一等侍衛胡圖爲議政大臣○壬寅諭吏部近來各衙門丁憂給假大小官員有限期久滿竟不赴京任意在家逍遙者此豈人臣致身之義今後凡丁憂服闋給假限滿各官俱著如期來京若仍前畱戀家園過期不到者該督撫確察不

到緣由據實參奏毋得徇隱爾部嚴飭通行仍將見在丁憂給假各官扣算日期已滿及翰林院給假官雖未定限久不赴京者俱著詳察具奏○福建提督楊名高奏鄭成功雖經就撫而奉詔不蒸衣冠如舊且縱兵焚掠侵擾延康等處情甚叵測下兵部知之○乙巳先是大學士馮銓成克鞏呂宮回奏保舉巡按郝浴一疏有旨切責下議政王大臣等議至是議覆馮銓等扶同薦舉旣劾之後回奏又不從實認罪謬以亟欲效忠爲詞巧爲遮飾俱應革職郝浴冒功誑奏應速訊得旨馮銓任用以來尺寸靡效罪過多端已經休致在籍復念使功不如使過特賜起用竟無裨益成克鞏呂宮俱破格升擢不思感恩效忠乃將郝浴合詞妄薦及回奏又巧爲飾詞大負委任本應重處姑再從寬宥馮銓著降三級成克鞏呂宮著各降二級俱照舊辦事今後務各洗心滌慮痛改前

非副朕履宥錄用之意郝浴著逮訊○丙午以党崇雅爲內翰林

國史院大學士

原任戶部尚書

龔鼎孳爲左都御史

由戶部左侍郎遷

○丁未遣

刑部郎中劉玉佩等往直省恤刑○王子朝鮮國王李湔奏原任

議政李敬輿李景燮原任通判趙綱等久著忠勤請復加任用

上以其隱匿前罪蒙混奏請遣尙書巴哈納等齎敕前往察問○

甲寅調衛周祚爲吏部左侍郎管右侍郎事

由刑部左調轉

王宏祚爲戶

部左侍郎以郝傑爲戶部右侍郎

由大理寺卿遷

○乙卯鄭親王濟爾哈

朗等遵旨議覆給事中林起龍請差巡方一疏應每省遺滿漢官

各一員

上曰朕念近來吏治敝壞民生困苦故欲特遣滿漢大

臣巡察文武貪廉軍民利害復念奉差官員隨帶員役馬廐廩糧

草料勢難缺少直省地方頻年水旱供億艱難未免擾累姑暫行

停止各該督撫已經考覆者宜倍加砥礪新蒙簡用者務實心料

理副朕察吏安民至意如仍因循蒙蔽一經發覺國法具在斷不輕恕○初給事中周體觀奏薦大學士王永吉極稱其賢請以新銜仍管都察院事有旨切責體觀諂諛大臣下部議處至是部議革職上以言官宥之○丙辰以固山額真楊麒祥爲平南將軍駐防杭州○丁巳諭禮部朕恭奉聖母皇太后慈諭冊立科爾沁國鎮國公綽爾濟之女爲皇后爾部卽選擇吉期並查明儀注具奏○議政王等會議郝浴冒功妄奏應論死命免死流徙盛京六月己未朔河決大王廟○辛酉定南武壯王孔有德撫還令和碩親王以下阿思哈尼哈番以上漢尙書以下三品官以上郊迎旣至諸王各歸第眾官畱喪次一宿○癸亥遣禮部侍郎恩格德齎銀萬兩賜孔有德女令充日用之費有德女跪受訖隨奏曰臣父骸骨原命歸葬東京但臣兄旣陷賊營臣又身居於此若將父

體送往東京孝思莫展請卽於此地營葬便於守視恩格德以其言奏上允之○甲子命工部給與定南武壯王孔有德葬地造墳立碑○革廣東左布政使胡章職下刑部究問以劾奏平南靖南二王失實也○丙寅陝西西安延安平涼慶陽鞏昌漢中等府地震○贈死事廣東羅定道參議鄔象鼎官○轉李際期爲刑部左侍郎以林德馨爲刑部右侍郎由左副都御史遷○遣官祭定南武壯王孔有德及其殉節妻白氏李氏○丁卯諭兵部平南王尙可喜靖南王耿繼茂等統率大軍定廣東時原任總兵蘇利吳六奇率所部弁兵迎降授以副將職銜著有勞績又值潮州郝尙九作叛伊等調集本部弁兵船隻忘身盡職毫無遲誤故二王奏請加蘇利吳六奇爲總兵官隨准部議授以總兵官職銜先行給札後領敕印已有諭旨朕思蘇利吳六奇先經投誠後復效力所授官職

不足以償其功宜加超擢蘇利著升水軍左都督統本部官兵駐紮碣石衛防禦海寇吳六奇著升左都督統本部官兵駐紮饒平衛防禦鄰境盜賊俱換給敕印○諭宗人府朕思習漢書入漢俗漸忘我滿洲舊制前准宗人府禮部所請設立宗學令宗室子弟讀書因派員教習滿書其願習漢書者各聽其便今思既習滿書即可將謠譯各樣漢書觀玩著永停其習漢字諸書專習滿書○以固山額真朱瑪喇爲靖南將軍同護軍統領敦拜帥師援剿廣東○庚午督捕侍郎魏琯緣事降三級調用○以劉三元爲廣東右布政使由河南按察使遷○辛未以故多羅額爾德尼郡王博羅特子

阿賴崇襲爵○壬申予故國史院大學士張端祭五次給全葬○先是給事中林起龍劾奏總河楊方輿誤國殃民工部尙書劉昌庇奸欺君諸款起龍自立供狀指實其確事下諸王大臣鞠訊及

令楊方興劉昌來京質對皆不實有旨林起龍自立供狀誣人死罪虛誑罔上殊屬可惡命從重議處至是鄭親王濟爾哈朗等議林起龍杖一百流三千里加役三年上宥起龍罪著降三級調用楊方興劉昌照舊供職○管鑾儀衛事內大臣公遏必隆等會同兵部議奏舊會典開載明季錦衣衛衙門設左右前後中其五所每所各有鑾輿等十司共五十司我朝定鼎以來每所止存一司共五司今議每所應設二司左所鑾輿司馴馬司右所擎蓋司弓矢司中所旌節司旛幢司前所扇手司斧鉞司後所戈戟司班劍司此十司俱應給印文又馴象所設東西二司亦應給印其印信俱令滿員掌管左所鑾輿司馴馬司管大輅玉輅大馬輦小馬輦香步輦涼步輦大儀轎右所擎蓋司弓矢司管繖大刀撒袋豹尾槍方天戟中所旌節司旛幢司管旛幢龍繖小旗馬金鉞前所

扇手司斧鉞司管蚌柯等扇金器椅踏蠅拂御仗星篋頭檟薦靜鞭品級山後所戈戟司班劍司管星宿纛立瓜臥瓜吾仗又旗手衛原有五所每所各十伍共五十伍今旗手衛設左右二司亦給印信其衛司印仍令旗手衛官掌管從之○癸酉諭吏部朕見降調大小官員每多遷延時日不行推補今著作速補用不許仍前遲緩○甲戌冊立科爾沁國鎮國公綽爾濟女博爾濟錦氏爲

皇后○戊寅諭吏兵二部朕觀古制有太師太傅太保少師少傅少保及東宮三太三少之職自漢唐宋至遼金元相沿不改明朝用爲文武大臣加銜以示優禮本朝滿洲各官未用此銜應否增加以備官制著議政王貝勒大臣會議具奏尋議應照成例加銜從之○厄魯特部諾門汗來貢○己卯加上 皇太后徽號曰

昭聖慈壽恭簡安懿皇太后○以李呈祥爲督捕侍郎由通政周使遷

亮工爲左副都御史

由福建左布政使遷

○庚辰頒詔天下大赦○諦巴班

禪胡土克圖等來貢○湯古忒部達賴喇嘛來貢○癸未鄭親王

濟爾哈朗等奏同安侯鄭芝龍以次子鄭世忠與成功誼切手足

若令與使臣同到成功處諭以君恩責以父命巽言婉導彼必欣

然嚮化應如所請從之